

Lea Salonga

"Liman-Dipang Tao"

Visit "[Liman-Dipang Tao](#)" on MotoLyrics.com

Liman-dipang taong nagtutulakan
Sa Avenidang aking napagdaanan.
Nag-aabang ng masasakyan
Patungo kung saan 'di ko malaman.

Sa aking d'yipning sinasakyan
Mayroong natanaw na mama.
Sa dinami-raming nagdaraan
Ikaw pa ang nakita.

Ikaw pa ang nakita,
May kasamang dalaga.
Para, mama, dito na lang,
Bababa na ako.

Para mama, dito na lang,
Heto ang bayad ko.
Para na sabi, para na sabi,
Para mama, para na d'yan sa tabi.

Liman-dipang taong nagtutulakan
Ang dinaanan ko sa paghabol sa 'yo.
Tinatanaw ang pag-akay mo
Sa babaeng pinag-seselosan ko.

Sa pagmamadali'y nadapa ako
Sa bangketang kinatatayuan n'yo.
Lumapit ka at tinulungan ako
At kita'y tinitigan, mga mata'y nagkabanggaan.
Ano ba itong naramdaman?

Sorry mama, pasens'ya ka na,
Akala ko'y asawa kita.
Sorry mama, pasens'ya ka na,
Sorry't naabala ka pa
Sorry na sabi, sorry na sabi.
Sorry mama, sorry't napagkamalan ka.

Liman-dipang taong nagtutulakan
Sa Avenidang aking kinatatayuan.
Nag-aabang ng masasakyan

Patungo kung saan 'di ko malaman.

Liman-dipang taong nag-uunahan
Sa uunting sasakyang nagdaraan.
Sayang ang d'yipning kanina'y lulan
At ngayo'y nagsisisi sa aking pagbubusisi.
Malaking pagkakamali!

Para mama, sasakay po,
Liman-dipang taong nagtutulakan.
Para mama, sasakay po,
Liman-dipang taong nag-uunahan.

Para na sabi, para na sabi,
Para mama, para na d'yan sa tabi.
Para na sabi, para na sabi
Para na d'yan, Para na d'yan sa tabi
Para na d'yan, para na d'yan
Oohh-ahh d'yan sa tabi, mama
Para na d'yan, mama
Para na d'yan, ma

Visit [Lea Salonga](#) page on MotoLyrics.com, to get more lyrics and videos.